



# Ալեքսանդր Ծատուրյան

## Դարավերջի բարքերից

«Մահ Չուային, թքե՛լ Չուայի վերա...»

(Լրագրներից)

Տխտ՛ր մտքեր են ինձ հուզում այսօր,  
Այս ի՛նչ ողբալի, դժվար ժամանակ  
Մեզ վիճակվել է ապրել և անգոր  
Տեսնել չարության լրկտի հաղթանակ:

Խիղճ, պատիվ, օրենք ոտքի տակ տված,  
Մարդիկ ծաղրում են ազատ զգացմունք.  
Եվ ազգասերի կեղծ դիմակ հազած,  
Կոկորդիլոսի՛ թափում արտասունք...

Եվ կույր ամբոխի գայրույթն ու հուզում  
Կորո՛ւստ է սպառնում մտքին, տաղանդին,  
Որպես պղտոր ծով, լափել է ուզում  
Դալար ափ դիմող արի՛ լողորդին:

Չինամոլության ոգին ավերիչ,  
Հանուն ազգային առաջդիմության,  
Մարդասպան սրբով փշրում է գրրիչ  
Անպարտին ճնշում երկաթե շղթան.

Օ՛, մեր լուսավո՛ր, գովա՛ծ դարավերջ,  
Ահա քո քաշխած լույսը աշխարհին.  
Կեղծի՛ք, չարություն՛ն, հալածա՛նք անվերջ  
Ահա՛ քո ավանդն հետագա դարին...